





Mela Ehmed Rehîmî:

Di pêvajoya vê xebatê de, he-
jmerek ji baştirîn xortên hizb
û gel, me pêşkêşî baregeha
azadiyê kirin

»»» R:3



Peyama sersaxiyê ya PDKÎ ji bo Nêçîrvan Barzanî



Kurdistanmedia: Derheq koça dawiyê
ya Diloan Barzanî birayê Nêçîrvan
Barzanî, PDKÎ peyameke sersaxiyê belav
kir

Deqa peyamê weha ye:

Birêz kek Nêçîrvan Barzanî serokwezîrê
Herêma Kurdiatanê

Tevî rêz û silavan

Nûçeya koça dawiyê ya birayê we rêzdarî,
rehmetî kek Diloan Îdrîs Barzanî cihê xem
û kovana me bû. Di vê derheqê de em sersaxiyê dibêjne we rêzdarî, û hemû
malbata birêz ya Barzanî, û xwe beşdarî xema we dizanin.

Em hêviya temendirêjî û tendirustiyê baş ji we û endamên malbata we re
dixwazin.

PDKÎ
Lêpirsyarê giştî
Mistefa Hicrî

*Bidestveanîna mafên netewî yên gelê kurd
di çarçoveya Îraneke demokratîk û federal de*

Agirî

*Duheftînameyek Siyasî-Giştî Ye, PDK Îranê diweşîne www.kurdistanmedia.com/kurdi
www.agirimedia.org Hejmar (323) 04-04-2018 Buha (1000) Tûmen*

Şehîdbûn, mirineke birûmet

Digel rêbaza şehîdan
peyman hate nûkirin

Kurdistanmedia: Rêûresma
10'ê Xakelêweyê roja
“Şehîdên Kurdistanê” di sê
beşên cuda de, li ser cimata
şehîdan, vekirina pêşangeha
wêneyên şehîdan û hola giştî
ya merasimên hizbê bi rê ve
çû.

Nûçegihanê malpera
“Kurdistanmedia”yê rage-
hand ku sibeûya îro Înê 10'ê
Xakelêweyê roja Şehîdên
Kurdistanê di binkeya serekî
ya hizbê bi beşdariya rêzdar
Mistefa Hicrî lêpirsyarê giştî
yê hizbê û endamên Navenda
Siyasî û Desteya Kargêrî û
kadr û pêşmerge û mêhvanan
û malbatên şehîdan bi rê ve
çû.

Ew merasim di beşa yekem
de bi rêjeya leşkerî ya Hêza
Pêşmerge a Kurdistanê ber bi
cimata şehîdan dest pê kir, û
li ser cimata şehîdan du sirûd
li jêr navên “Ey Şehîdîdan”
û “Merêjin bom Firmêskî
Xem” ji aliyê hêza pêşmerge
ve hate xwendin.

Piştî Mistefa Hicrî
lêpirsyarê giştî ê PDKÎ digel
du malbatên şehîd xatû
Şikûfe Mistefayî hevjin
şehîd Seyîdreza Dirûdger û
Xûşke Ayîşe Hemecanî diya
şehîd Hêmin Molannijad
tacegul a rêz û emegdariyê li
ser tîrba şehîd Seyîd Selam
Ezîzî danîn.



Piştî pêşanangeha wêneyên
şehîdan ji aliyê Mistefa Hicrî
lêpirsyarê giştî ê PDKÎ û
rêzدارan şikûfe Mistefayî û
Ayîşe Hemecanî ve bi rûyê
beşdarên merasimê ve hate
kirin.

Sêyem beşa vê merasimê bi
xwendina sirûda neteweyî
ya “Ey Reqîb” û ragirtina
deqeyekê bédengî bona rêz-

girtina ji riha pak ya hemû
şehîdên riya rizgariya Kurd-
istanê dest pê kir.
Piştî peyama Komîsyona
Civakî ya PDKÎ ji aliyê rêz-
dar Mamosta Ehmed Rehîmî
berpîrsê Komîsyona Civakî
ya PDKÎ ve hate pêşkêşkirin.

Navbirî di peyama xwe de
îşare bi rol û pêgeha Pêşewa
Qazî Mihemed li ser tevgera

Kurdistanê kir, û bas ji vê
kir ku hemû jiyana Pêşewa
hêjayî dersjêwergirtin û jêfêr-
bûnê ye.

Di beşeke peyama xwe de
got: Em di derbazbûyî û heta
niha jî li dijî zulm û zoriyê û
çewsandinê di nava xebateke
qurs û qahîm û bixwîn de
bûn û hene, ku tê de bi dehan

rêber û bi hezaran kadr û pêşmerge canê
xwe pêşkêşî baregeha bilind ya azadiyê
kîrine.

Di beşeke din ya peyamê de jî hatibû: Di
vê xebatê de ku herçend bê têçû (bedel) jî
nabe, lê piştqahîm bi mîratê bicihmayî yê
şehîdên xwe, û bi cangorîtî û lehengiya
pêşmergeyên xwe û piştewaniya berdeham
ya xelkê me, em xatircem in ku serdikevin
û riha pak ya şehîdên xwe asûde
dikin.

»»» R:4

Sergotar**Sivikatî, alava helandinê**

N: Kerîm Perwîzî

Di welatekê de ku çend kultur, netewe û ayînên cuda dijîn, hikûmeta desthilatdar tevî gef û derfetên cur bi cur berbirû ye. Li wan welatan de, bi sedema pir netewîti, pir çandî û pêkhateya aloz ya civakê ve, jiyana civakî- siyasî û herweha îdarekirina hikûmet û parvekirina desthilat, saman û poanan li nav xelkê de, erkek aloz û pir metirsî ye û her pêngav û piratîkek ku nîşan ji cudahîdanan û bêparkirina hin kes û pêkhateyan bide, dibe sedemek ji bo herifina bawerîya xelkê li hember desthilat û hikûmetê.

Li civaka pir kultorî, netewî û olî ya Îranê de, her yek ji pêkhateyên sereke ên civakê xwe bi xwedî nasnameyek serbixwe û taybet dizanin û tu yek ji wan xwe bi beş yan paşkoya beşa din nizanin. Her çiqas ku çend dehsal in desthilata serdest li Tehranê de cehda helandin û nehiştina nasnameyên cuda dide û carek bi navê neteweya dirokî ya xwedî şaristanîyeta kevnar ya Îranî! û carek din bi navê civaka yekdest ya îslamî ya Îranî! xwestine ku nasnameya civaka rengîn ya akinciyên Îranê yekdest nîşan bidin, lê ne Kurd xwe bi Fars dizanin û ne jî Erebi xwe bi şopînerên neteweyek din dizanin û ne jî, tu ol û ayînek din xwe bi paremayî û ayîna din bi pêşketî dizane.

Di civakek wusa û erdnîgariyek siyasî ya weha de, hikûmetek dadperwer a pêkhînerê wekhevîyê di navbera neteweyan de ku hemû pêkhate bi awayek yeksan bihevve tede beşdar bin, dikare bi hemû aloziyan re bigihîje û gav bi gav girêhişkên dirokî veke û di pirosesek demdirêj de, cehdê ji bo nehiştina şûnwarên tepeserî, sivikatî û bêparîya netewî û ayînî bide.

Lê di gotar û hizra desthilata Tehranê de ya ku heya niha cih ne-girtiye, bi yek çav dîtî û nihêrtinek wekhev e ji hemû neteweyan! Desthilata Tehranê çî bi navê îdeolo

Beşdariya lêpirsyarê giştî yê PDKÎ di merasima sersaxiya “Dilovan Îdrîs Barzanî” de



Lêpirsyarê giştî yê PDKÎ “Mistefa Hicrî” di merasima sersaxiyê ya “Dilovan Îdrîs Barzanî” birayê serokwezîrê Hikûmeta Herêma Kurdistanê de beşdarî kir.

Li gora nûçeya gihîştî malpera “Kurdistanmedia”yê, roja Sêşemî 14’ê Xakelêweyê, di yekem roja

merasima xwedêjêrazî “Dilovan Îdrîs Barzanî”, birayê “Nêçîrvan Barzanî” Serokwezîrê Hikûmeta Herêma Kurdistanê de, “Mistefa Hêcrî” lêpirsyarê giştî yê PDKÎ digel şandeke rêberatiya hizbê, di Pîrmamê de beşdarî kir, û bi vê boneyê jî hevxiemî û sersaxiya PDKÎ ji “Mes’ûd Barzanî” û “Nêçîrvan Barzanî”, û Partiya Demokrat re

ragehand. Di vê merasimê de, şanda PDKÎ bi serokatiya “Mistefa Hicrî” ji aliyê “Mes’ûd Barzanî” û serkirdayetiya Partiya Demokrat ve, hate pêşwazîkirin, û şanda Partiya Demokrat tevî keyfxweşî nîşandana xwe ji bo beşdariya Mistefa Hicrî û şanda PDKÎ di vê merasimê de, şanda PDKÎ bi rêz û hurmet ve bi rê kirin.

Endam û alîgirên PDKÎ li Geliyê Qasimlo çalakîyên teblîxî lidar xistin

Endam û alîgirên PDKÎ di çend cihên Geliyê Qasimlo weke piştta tabloyên hatûçûnê, dîwarên baxçeyan û piran, siloganên şoreşgerane nivîsîn.

Ev silogan bi wî rengî bûn: “Qasimlo Qasimlo! riya te dom heye”, “Silav li Pêşmerge”, “Silav li Partiya Demokrat a Kurdistanê Îranê” û “Mirin ji bo rejîma Axûndî”.

Her di vê derheqê de, di wan cihan de jî çalakîyên teblîxî hatine encamdan:

- Gundê Şiyan a girêdayî Jawaro a Sine
- Gundê Texte û Heşemîz bi boneya 10’ê Xakelêweyê.
- Gundê “Nê” a Merîwanê.
- Gundê Kanîberaz a girêdayî devera Şarwêrana Mehabadê.



jiya Wilayeta Feqîh û çî li jêr navê şaristanîyeta kevnare Îranî! hewl û xebat kiriye ku înkara cudahiyan bike û nasnameyek destçêkirî bi ser hemû erdnîgariya Îranê de ferz bike. Lê ji ber wê ku ev pênasnameya destçêkirî rastînine û li nav hinavên civaka pirpêkhateyî ya Îranê de derneketiye, ji bo sepandinê hewcehî bi tepeserî û helandina nasnameya neteweyên ne Fars û ayînên derweyî Şîeya Wilayeta Feqîh hebûye û yek ji alavên tepeseriyê ku mifah jê standine, sivikatî bi nasnameya netewe û ayînên din bûye.

Bi dehan sal in ku pêvajoya han berdewam kiriye û bi sedan hezar çîrokên teji sivikatî li jêr navê henek û qers li dijî neteweyên xeyrî Fars û ayînên cuda de çê kirine û bi sedan film û pirogramên televîzyonî li her du serdemên Paşatî û Wilayeta Feqîh de weşandine, û mînak herî davîn jî, li bernameya Newrozî ya îsal (1397) de ye li jêr navê “Paytextet” ku nerazîbûna neteweyên derweyî Farsan bi dûre hatiye.

Sivikatî bi nasnameyên din û bi sivik, paremayî û cihê şermezaranîn û nîşandana wan, alava destê desthilata faşîstî ye ku dixwaze neteweyên derweyî Farsan û ayînên derweyî Şîeya Wilayeta Feqîh biçok de bîne, dagîr bike û paşan jî dûr bavêje. Lê ev metod ji siyaseta û desthilatdariyê, ne tenê neteweyên zulmlêkirî û jêr stem yê Îranê biçokde nahîne, belkî tenê kerb û kîna zêdetir li nav civakê de diçîne û siberoj e ku bahoze jê berhem tê.

Peyama Komîsyona Civakî ya PDKÎ derheq roja Şehîdên Kurdistanê

**Xelkê bişeref ê Kurdistanê
Malbatên serbilind ê şehîdan**

**Amadebûyiyên birêz ên rêûresma
10'ê Xakelêwe, roja şehîdên Kurd-
istanê!**

71 salan berî niha û di rojê wek îro de Pêşewa Qazî Mihemed yekem serkomarê Kurdistanê û Seyfê Qazî û Sêdrê Qazî di qada Çarçira ya Mehabadê piştî derbazkirina heyamek girtîgehê û birêveçûna dadgeheke nimayîşî, hatin bidarvekirin û tevî karwanê şehîdan bûn. Lewra îro piştî 71 salan di vê rojê de em li vir li hev civiyane, da ku bi hev re bo careke din jî hem rêzê ji rojêke dîrokî di nava tevgera rizgarîxwaziya neteweya xwe de bigrin, ku roja mirina serbilindane ye, û hem jî soza berde-wambûna li ser rê û rêbaza şehîdan dubare bikin, û qewl û sozê bidin wan, ku her bi vî awayî qurs û qahîm li ser armancên ku wan di pêxemê de canê xwe gorî kirin berde-wam bin. Lewra bi nûneratiya ji aliyê rêberatiya PDKÎ ve, em silavan dişînin bo canê pak yê pêşewayê xwe ê mezin û tewahiya şehîdên riya rizgariya Kurd û Kurdistanê û serê rêz û hurmetê li hember malbatên wan ên serbilind de ditewînin.

Rêzdarî!

72 salan berî niha dema ku Komara Kurdistanê li ser destê PDKÎ û komeke mirovên şoreşger û neteweperwer ên Kurdistanê û li serveyî hemiyan jî Pêşewayê nemir hate avakirin, û yekem dewleta modern ya Kurdî di dîroka Kurdistanê de neqîşand, û di heyama kêmtir ji salekê de yek ji ezmûnên herî biçûsk ên Kurdistanê û heta navçeyê jî ser girt, û meznahîya koşka dîktatorî û deshîlata hikûmeta navendî ji vî wêraniya ku hebû zêdetir xiste lîzînê. Eva bû kabûsa dagîrkeran, û di encamê de her çî ji dest wan hat xistin kar bona vî ku vî ezmûnê ji holê rakin... Lewar piştî 11 mehan ku bi ser avakirina Komara Kurdistanê re derbaz bibû, hêzeke dagîrker bi alîkariya komeke fakterên derveyî û navxweyî karî ku bi ser Kurdistanê de zal be, û bi bidarvekirina avakerên Komara Kurdistanê û li serveyî hemiya Pêşewa û Sêdrê Qazî û Seyfê Qazî di 10'ê Xakelêweya 1326'an de piştî dadgeheke nimayîşî dawî bi temenê Komarê bîne, lê nezanîn ku armancên komarê û cangorîtiya rêberên wê, çî buhayêke mezin in, û çî bo nivîşên pêşrojê vediguhêzin, û piştî 71 sal bi

ser vî bûyerê re çîroka merge serbilindane yê Pêşewa niha jî xwediyê bilindtirîn dîroka xelkhezî, û azadîxwazî û serfirazî ye, û evîneke bihêz e jî bo xistina qedeman ya hemû metirsî û nexweşîyan.

Hêjano!

Avakirina Komara Kurdistanê û cesûrî û berxwedaniya xortên avakerê Komarê û jiyana wan mirovên têkoşer çiqas hilgirê waneyên şoreşgerî û azadîxwaziyê bin, şehîdbûna wan jî du hemberî wê hilgirê wan wateyên bilid e, ku di serdema şehîdbûna Pêşewa heta niha jî hêza bibandor ya di nava dîroka azadîxwaziya neteweya me ye. Îro li vir bas ji jiyana şoreşgerane nîne, basê mirina şoreşgerane ye, ku bêguman bi heman radeya jiyana şoreşgerane, roleke bibandor di dîroka bizava rizgarîxwaziya neteweyan de bona bidestveanîna serwerî û rizgariyê hebûye. Pêşewayê nemir bi bexşîna canê xwe, waneyek fêrî me kir, ku tu zindîbûn û manek nikare bi qasî wê be. Waneya mirina di pêxema xelk û xak û welat de...! mirin di pêxema azadî û bi serbilindî jiyankirinê. Her ew waneya bû ku serbarê dijiwariya riya xebat û berxwedana neteweya me, û hovîtiya dijaminên me, lê takên vî neteweyê bi şewq û zewq ve, berê xwe didnê, û ji tu metirsîyekê nasilikin, û heta hekî bi dana canê wan be jî, eva ye sirra mirina şoreşgerane. Diyarîkirina vî rojê jî, wekî roja şehîdên Kurdistanê ji aliyê hizba me ve, beşeke herî girîng ya wê, vedigere ser van watayên bilind, ku di çîroka merge Pêşewayê mezin de hene. Mirinek di pêxema nîştîman de. Mirinek di pêxema azadiyê de. Mirinek di pêxema xelkê, û di encam de mirinek di pêxema jiyane de.

Rêzdarî!

Em di derbazbûyî de, û heta niha jî di xebateke qurs û qahîm û bixwîn de bûn û niha jî em hene. Li dijî zulm û zor û çewandinê di vî xebatê de bi dehan rêbe rû sedan û hezaran kadr û pêşmerge û dehan hezar xelkê azadîxwazê neteweya me pêşkêşî baregeha bilind ya azadiyê kirine. Kesaneke ji takên xwedîbehre ên xwedîşîyan ê vî welatî canê xwe pêşkêşî kirine ku gellek bi xatircemî ve dikarim bêjim di hate kirin ku bingeha civakeke azad û demokrat û pêşkevî li ser danên. Lê felsefeya ku PDKÎ li ser hatiye danîn, perwerdeyek e ku ew hizba di nava derûna takên vî hizbê de cih kiriye. Wisa kiriye ku hemû jiyane



Mela Ehmed Rehîmî berpirsê Komîsyona Civakî ya PDKÎ

Mixabin di rewta vî xebatê de, hejmarek ji baştirîn xortên hizb û gel, me pêşkêşî baregeha azadiyê kirin, lê hemase û cangorîtiyek ku wan nîşan dan, selmînerê vî rastiye bûn, ku em hêştî jî li ser piyan in, û bo jiyaneke azad û pêşkevî di hemberî tu metirsî û astengiyekê de, paşve venagerin.

û bi taybetî jiyana bindetsiyê bi her nîrxekê wernegirin. Her di vir de ye ku çîroka canbexşî û şehîdbûna di pêxema jiyaneke baştir û serbilindanetir hate holê.

Her vî yekê jî weha kiriye ku çîroka şehîdbûna vî neteweyê û xebata qurs û qahîm û bixwîn ya wan ne tenê nabe sedema şewandina rûçikê xebata me, belku berevajî em bi şehîdên xwe serbilind in, û her li ber wan e jî ku xebata me xwediyê pîrestîjeke bilind ya mirovî û exlaqî û siyasî ye, eva sirra felsefeya şehîdbûnê ye. Di rêrewa vî xebata bixwîn ya neteweya me, em najîn û namirin di pêxema mirinê de, em dimirin di pêxema jiyane de.

Xelkê xwedîşeref ê Kurdistanê!

Di sê salên borî de hizba me bi hestkirina bi berpirsariyê dîrokî li hemberî maf û azadiyên neteweya me, û di pêxema vegeşandina xebateke hemû alî, di bin navê "Rasan"ê, û li jêr diruşma pêkvegirêdana xebata çiya û bajar, qonaxeke nû ji xebat xwe li dijî rejîma kevneperest ya Komara Îslamî dest pê kiriye.

Mixabin di destpêka cîbicîkirina vî xebatê di qonaxa nû de gellek kes rabûn, û bi awayekî ji awayan dijiyeriya xwe li hemberî vî pêvajoyê nîşan dan, û ji dîtingeha kurt û asûdexwziya xwe û bêiradeyiya xwe ve, ji felsefeya Rasanê û îradeya vî gelî ji bo avakirina dîroka xwe tê negihîştibûn. Ewan nîşan dan ku ne ji dîroka aşîxwaziya vî gelî tê gihîştîne, û ne jî ji raz û sirra şehîdbûnê û bi

şewq ve er bi pêşwazîçûna mergê Qazî û Qasimlo û Şerefkendî û bi hezaran şehîdên vî gelî tê gihîştibûn. Di destpêkirina qonaxa nû de, me haj ji metirsî û nirxa vê xebatê hebû. Me baş dizanî û dijminê me çiqas dirnde ye, û me baş jî dizanî û ku nirxa azadiyê çiqas giran e, û me baş dizanî gelek azadiyê bixwaze, dibe nirxa wê jî bide. Mixabin di rewta vê xebatê de, hejmarek ji baştirîn xortên hizb û gel, me pêşkêşî baregeha azadiyê kirin, lê hemase û cangorîtiyek ku wan nîşan dan, selmînerê vê rastiyê bûn, ku em hêştê jî ser piyan in, û bo jiyanê azad û pêşkevî ji tu metirsî û astengiyekê paşve venagerin, û hekî bi bexşîna canê xwe be jî, ew wekî rêber û hevçeperên xwe ên şehîd ew hizr û felsefeya anîn bîra me, ku mergek ku di pêxema niştiman û riya azadiyê û bexteweriya mirovan be, gellek binirxtir e. Her eva jî remz û raza man û berdewamiya vê neteweyê ye. Lewra bi hewce dizanim ku di vê rojê

de carek din silavan bişînim bo riha pak ya şehîdên qonaxa nû ya xebata neteweya me şehîdên Rasanê.

Rêzdarî!

Îro navçeya me ji qonaxên herî hes-tiyar û pirr guherîn ên xwe re derbaz dibe. Gelleke civak guhertinên kûr tê de pêk hatine, ku herçend beşek ji van guherînkariyan, aramî tê de cih negirtiye, lê ew yek ji vê kêma nake ku koma van guhertinan tiştekê dibêje me, ku ew jî ew e ku serdema deshi-latdariya reha (tewaw) ya dîktatoran bi ser diçe, û hertim li hemberî metir-siya berbirûbûnê ya xelkê xwe ne. Civaka me jî di bin deshilat axûndan de nikare ji vê taybetmendiyê bi dûr be. Bi baldan bi vê bêşiyaniya siyasî û civakî û kulturî û aborî ya ku di Îranê de heye, pêkhateya vê civakê lerzok kiriye. Lewra zêdetir ji her demekê egera vê guherîna tê de nêzik e. Herçend di vê navberê de Îran dixwaze bi destêwerdan û vegeşandina çalakîyên xwe li derve wêneyeke bihêz ji xwe

nîşan bide, lê hemû amaje bas ji vê dîkin ku di warê navdewletî û navçeyî de Îran ber bi kontrolkirin û dûrra-girtinê diçe, û ji vê zêdetir nikare bi afirandina kêşeyan li derve, kêmasi-yên xwe dapoşe, lê anbe ew yek ji bîra me here ku her cure cih girtinek di vê guherînkariyê de, û destberkirina mafên neteweya me girêdayî ye bi asta amadeyî û bandora me.

Ji dîtina xweamadekirin bo cihgirtineke bibandor di van guherînkariyan de, li destpêka Reşemeha sala borî de kongireya 16'an a PDKÎ bi rê ve çû, û komeke guherînkariyên girîng di pêkhateya hizbê de pêk anîn, ku her hemû jî di pêxema berfirehkirina sînorê çalakiyan, û bi xwe ve girtina zêdetirîn hêza mirovî ne di pêvajoya xebatê de. Em di rewşekê de ne ku pêwîste em zortirîn hêz û enirjiyê rêk bixin û ber bi aliyeke bibandor rênîşandan bikin. Kongireya 16'an gellek bi başî karî nexşeya berfirehkirina sînorê çalakî û komkirina hêz û enirjiyên bi bandor darêjin,

ku em hêvîdar in di warê piraktîkê de jî bikarin bi awayê herî baş bi encam bigehînin.

PDKÎ sermayeyeke remzî û mirovî ya gellek mezin heye, û em xatircem in ku bi piştqahîmiya bi van remzên mezin ku di biyavê hizrî û neteweyî de me hene, wê hêza mirovî ku em xwediyê wê ne, emê serkevin. Di vê xebatê de, ku herçend bi bêdana nirxan nabe, lê piştqahîm bi mîrata bi cih mayî ya şehîdên me, û bi cangorîti û lehengiya pêşmergeyê xwe, û piştevaniya bêqisûr ya xelkê xwe, û bi bernamayeke pêşkevî ku me heye, em xatir cem in ku emê serkevin û canê şehîdên xwe asûde bikin. Di dawiyê de, carek din em silavan dişînin bo canê pakê yê Pêşewayê şehîd, û hevalên wî, û hemû şehîdên Kurdistanê

Serkeve xebata rizgarîxwazane ya neteweya me bi rêbertiya PDKÎ

**Komîsyona Civakî ya PDKÎ
10.01.1397**

»»»» Doma manşêtê

Di nava merasimê de herwisa sirûdek li jêr navê “Şehîd” ji aliyê koma muzîkê ya hizbê ve hate pêşkêşkirin.

Di vê merasimê de pexşanek li jêr navê “serdarekey serdar” ji aliyê hevalê pêşmerge Cemal Fethî (Koçer) ve hate xwendin.

Piştirê sirûda Şehîd ji aliyê zarokên “Navenda Nêrgiz” ve hate pêşkêşkirin. Di dawiya merasimê de beste û meqamek ji aliyê hunermendan Xulam Fatihî û Nizam Secadî ve hatin pêşkêşkirin.

Herwisa Ji bo rêzgirtin ji salroja “Şehîdên Kurdistanê”, rêûresmeke berfireh di Navenda 3 a Kurdistanê de hate lidarxistin.

Nûçegihanê malpera “Kurdistanmedia”yê, ragehandiye ku: Roja Şemî 11'ê Xakelêweya 1397'an, bi beşdariya kadr, pêşmerge û malbatên PDKÎ û mêhvanên vê rêûresmê, roja “Şehîdên Kurdistanê”, di Navenda 3 a Kurdistanê de, bilind hate ragirandin.

Ev rêûresm bi xwendina sirûda neteweyî a “Ey Reqîb” û ragirtina deqeyekê bêdengî ji bo rêzgirtin ji riha pak a şehîdan û bitaybet şehîdên Rasanê dest pê kir.

Piştirê “Kerîm Qelatî” endamê Nav-



enda 3 a Kurdistanê, bi boneya roja “Şehîdên Kurdistanê”, peyamek pêşkêşî kesên ku di vê rêûresmê de beşdar bibûn kir.

Navbirî di beşeke peyama xwe de bas ji vê kir ku: Îsal em di heyamekê de roja 10'ê Xakelêweyê, ya bîranîna şehîdên nemir yên xwe bilind radigirin ku, xebata nû a Rasana Rojhilat a Kurdistanê de, çendîn qehreman pêşkêşî baregeha azadiyê kiriye, û xwîna sor ya wan bûye hêvinê rêbaza me di xebatê de.

Peyama saziyên Yekîtiyên Ciwanan, û Jinan ên PDKÎ ji aliyê “Amîne Îqtîdad” ve hate xwendin.

Piştirê sirûda bi navê “Werin ba biçîne ser gorî şehîdan” ji aliyê “Siyamend Şabûyî”, pêşmerge PDKÎ ve pêşkêşî amadebûyîyan hate kirin.

Di beşeke din a vê rêûresmê de, sirûdeke din a bi navê “Megrî Megrî” ji aliyê “Zozan û Şefeq”ê ve hate pêşkêşkirin.

Piştirê sirûda “Ey Şehîdan” ji aliyê dersxwenên kempa Cêjnîkanê ve hate pêşkêşkirin.

Her di vê derheqê de di piraniya welatên Ewropî jî endam û alîgirên PDKÎ bi pêkanîna merasiman û çalakiyan rêz ji vê rojê girtin.

Di navxwe ya welat de jî endam û alîgirên PDKÎ serbarê zextên rejîma Îranê, û serbarê rewşa tund ya ewlehiyê bi her awayekî ku ji destê wan hat, kar û çalakîyên teblîxî taybet bi roja Şehîdên Kurdistanê bi rê ve birin.

Kurd goriyê netifaqiyên navxweyî



Dara Natiq

Doza berheq a Kurd di van çend salên borî de, ji hemû demekê zêdetir di rojevê de bûye, û bizava Kurdî dikarî bizanebûn û hişyariyeke zêdetir, vê derfeta han ji bo pêşvebirina berjewendiyên xwe yên neteweyî bi kar bîne. Lê mixabin derswernegirtin ji ezmûnên tall yên berê û netifaqî û ji hev dûrketina roj bi rojê zêdetir a partiyên siyasî yên Kurdan, cardin valahiyek di nava bizava Kurdî de çê kirin, ku dujmin û dagîrkerên Kurdistanê weke derfetek ji bo betalkirina xewn û hêviyên mafxwazane yên neteweya Kurd mifahê jê werbigirin.

Bûyerên karesatbar yên sala 2017-2018'an vê yekê baş didin xuyakirin,

ku tevgera Kurdî hevrişî parvebûn û lêktirazaneke berçav bûye.

Tu carî bi qasî dema pêş rêfrandomê û niha Kurd tûşî perçebûn û ji hev belavbûnê nebûne. Di zirûfa niha de, ger bizava Kurdî bi giştî di herçar parçeyên Kurdistanê de pêdeçûnek bi ser mêtoda xebet û stratêjiyên xwe de nekin, û tekezê li ser hevduqebûlîkirin û hevgerî û berjewendiyên xwe yên neteweyî neke, yê tûşî hîloşîn û xesareke mezintir ji niha bibe. Veşartina rastiyan, û senger li hevdu girtin, û dijberî û bûn bi ecêndaya dagîrkeran bona şikandina hevdu, wê karesatên mezintir ji xeyaneta 16'ê octeberê û bûyerên karesatbar ên Şengal û Efrînê û...hwd, bi xwe re bîne. Ya ku niha dixuye, tevgera Kurd bi du eniyên cuda û têfikirînan ji hev dûr dixebitin. Eniyek ku hilgîrê hizrek serbixweyîxwaz û nasîyonalîst e, û serbarê tev zext û givaşên heyî ji bo gihîştin bi xewna serbixweyî a gelê Kurd fîdakariyê dike, û tehemula zehmetî û astengiyên dike. Lê eniyeke din bi tewahî dij bi hizra serbixweyîxwaziyê sekiniye, û bûye ecêndeya dagîrkeran û çavê wan li hember berjewendiyên neteweyî Kor e.

Kultura milmilanê û kerb û kîn û

senger lihevduqirtina bizava Kurd û bi taybetî eniya girêdayî dagîrkeran ve, tu xatircemiyek ji bo ewlehiya neteweyî û pêşdebirina doza berheq a neteweya Kurd nehêlaye. Bi wê netifaqiya ku îro di nava mala Kurd de heyî, Kurd nikare zemaneta manewa xwe heta bo yek rojê jî bike, ca çî bigihîje bo demek dirêjtir. Metirsiya çêbûna şerê birakujî di nava bizava Kurdî de, ji hemî demek zêdetir di rojevê de ye. Hêzên dagîrker û yek ji wan Komara Îslamî a Îranê bi mifahwergirtin ji wê valahiya ku di nava bizava Kurdî de çêbûyî, kariye hêjmoniya xwe bisepîne û ji rêya aliyên girêdayî xwe ve, astengiyên mezin li hember hizra nasîyonalîst û serbixweyîxwazî a gelê Kurd de çê bike, û valahiya han ji bo netifaqiyên zêdetir heya asta çêkirina şerê birakujî weke derfet bi kar bîne.

Di vê zirûfa han a hesas de ku dagîrkerên Kurdistanê serbarê asimîle û qirkirina Kurdan û çêkirina netifaqî û şerê birakujî, li hewla parçeparçekirin û guherîna demografiya Kurdistanê de ne, lewma pêdivî ye ku bizava Kurdî li hember wan pîlan û metirsiyên han bi zanebûn û hişyarî û berpirsane bilivlive, û berjewendiyên neteweyî nekin qurbanîyê nakokî û

Tu carî bi qasî dema pêş refe-randomê û niha, Kurd tûşî perçebûn û ji hev belavbûnê nebûne

kerb û kîna li hember hevdu de. Çaresernekirina vîros û xwexuriya di nava bizava Kurdî û veşartina îxanetên pişt perde a wan kes û girûpên girêdayî dagîrkeran, wê malwêraniyeke zêdetir ji bo Kurdan bi xwe re bîne, û rêya gehîştin bi elenda serkevtinê dirêjtir bike.

Dibe berjewendiyên neteweyî û nîştîmanî weke bingeha sereke a hizra û stratêjiya siyaseta Kurdî were bikaranîn, û gelê Kurd ji hizra û girûpan derbas bibe û neteweyî biryar bide, hekî ne, qederek biyûm û nediyar li benda me ye.

Xebata Kurd bo bidestveanîna azadî û mafê diyarîkirina çarenivîsa xwe her berdewam e



Navenda Hevkariya Hizbên Kurdistanê Îranê bi boneya 10'ê Xakelêweyê roja şehîdên Kurdistanê daxuyaniyek belav kir.

Deqa peyamê weha ye:

Xelkê xebatkar ê Kurdistanê!

10'ê Xakelêweyê roja bidarvekirina Pêşewa Qazî Mihemed serkomarê Kurdistanê û Sêdrê Qazî û Mihemed Husênxanê Seyfê Qazî ye. 71 salan berî niha di roja 10'ê Xakelêweya 1326'an de, Pêşewa Qazî Mihemed yekem serkomarê dewleta Komara Kurdistanê di Çarçiraya bajarê Mehabadê de, rast di wî cihê de ku Pêşewa Qazî, Komara Kurdistanê ragehandibû, bi fermana Mihemed Rizaşahê Pehlewî hate bidarvekirin, û canê xwe yê pak di riya azadiya gel û nîştimana xwe gorî kir. Çend rojan piştê jî hejmareke din ji efserên Spahî Millî ya Kurdistanê û karbidestên din ên hikûmeta Komara Kurdistanê di navçeyên Seqiz û Bikanê de hatin bidarvekirin.

Bi vî awayî rejîma Mihemd Riza Şah piştî vî ku di encama gelekomeyê navneteweyî de karîbû Komara Kurdistanê ji nav bibe, bi armanca serkutkirina tevgera mafxwazane ya xelkê Kurdistanê pêke berfireh ya îdam û kuştin û girtin û şopandin û zext û givaşê di Kurdistanê de dest pê kir. Karbidestên dewleta Tehranê ser vî baweriyê bûn, ku bi vî karî dikarin

bîra azadîxwaziyê di nava xelkê Kurdistanê de bo hertim ji nav bibin, lê herwekî Pêşewa di dema bidarvekirinê de rû li kirêgirtiyên ragehand: "Bi kuştina min bîra azadîxwaziyê di Kurdistanê de, ne tenê ji nav naçe, belku di pêşerojê de bihêztir jî dibe". Bûyerên piştê rewaiya vî gotina hekîmanê ya Pêşewa selimandin, ku gelê Kurd ne tenê her dest ji xebat û berxwedan û armancên Komara Kurdistanê hilnegirt, belku armancên Komara Kurdistanê bûne sembola û mînakê xebat ji bo azadî û rizgariya neteweya Kurd di raserî navçeyê de, heta ew hemû zext û serkutkirina ku Komara Îslamî wekî mîratgirê biheq ê rejîma paşatîyê, di heyama deshildariya reş a xwe de li dijî gelê Kurd bi kar anîye, bi xebata yekgirtî ya siyasî û medenî ya xelkê Kurdistanê bersîveke tund pê hatiye dan. Waye ku îrorojê di her çar perçeyên Kurdistanê de xebat bo rizgariyê bi awayên cûrbicûr dom heye.

Lewra roja 10'ê Xakelêweyê di dîroka xebata rizgarîxwazane ya xelkê Kurdistanê de, hekî ji aliyekî ve wek rojeke tall û nexweş tê naskirin, lê ji aliyekî din ve wekî roja peyman nûkirinê û nîşandana yekgirtinê bona gihîştina bi armancên tevgera neteweyî-demokratîk a xelkê Kurdistanê tê naskirin. Niha piştî derbazbûna heft dehikan bi ser bidarvekirina Pêşewa û hevalên wî re, em dibînin ku tevgera Kurd bûye faktoreke bihêz ya xebat û tekoşîna ji bo azadî û demokrasiya di Îran û navçeyê de, û bîra neteweyî

û azadîxwazane di sertaserê Kurdistanê de, bi şeweya herî baş û bilind xwe nîşan da. Îrorojê civaka Kurdistanê hatiye guhertin, û bûye civakek çendreng û pêşkevî û peloral û çend hizbî. Lê hemû hizb û rêxirawên nîştîmanî û demokratîk û azadîxwaz ên Kurdistanê, serbarê cudahiya siyasî ya di navbera wan de rêz ji Komara Kurdistanê û armancên wê digrin. Ew yek nîşanderê vî ye ku Pêşewa û armancên Komara Kurdistanê, ne tenê her milê hizbeke diyarîkirî nine, belku nîşana hevbeş ya kultura siyasî ya azadîxwazane ya xelkê Kurdistanê û hizbên xebatkar ên ser qada xebata di Kurdistanê de ne. Pêşewa Qazî çî di dema ragehandina Komara Kurdistanê de, û çî jî di wesiyetnameya xwe de, wekî rêberekî neteweyî û dilsoj û şareza pê li ser vî yekê dadigre, ku xebatkarên gelê Kurd hewce ye di hemberî dijminên Kurdistanê de qahîm û yekgirtî û hevdeng bin, û di nav xwe de jî û di hemberî yektir jî nerm û dûrbîn û singfireh û bisebir bin.

Lewra em ew hizb û rêxirawên ku di çarçoveya Navenda Hevkariya Hizbên Kurdistanê Îranê kar dikin, li dewra hevûdin kom bûne, û îsal di salvegera 10'ê Xakelêweyê de serbarê hemû cudahiyan hizbî û siyasî ên xwe, bo carekê din jî di pêxema berbîpêşvebirina armancên xelkê Kurdistanê de, pêkve pê li ser hevkarî û hevdengî û hevxeberî digel yektir dadigrin. Peymanê jî digel riha pak ya Pêşewa û hemû şehîdên riya azadî û rizgariya xelkê Kurdistanê nû dikin,

ku alaya xebata wan heya serkevtinê bilind û bipêl radigrin. Em vî derfetê bi kar tînin û daxwazê ji xelkê Kurdistanê dikin, ku hindî zêdetir li dewra armancên tevgera Kurdistanê kom bibin, û xwe organîze bikin, û refên tekoşînê û çeperên berxwedaniyê bihêztir bikin, ew morala xebatkarane ya we ku di boneyên cûrbicûr ên îsal de, wekî rûdawa erdheja Kirmanşanê û piştewaniya ji kolberan û bibîranîna newrozê, we ji xwe nîşan da, bo me jî wekî hizb û rêxirawên siyasî bûye hevînê yekîtiyê û hevxeberî zêdetir, û ji bo derswergirtinê dibe. Em bi hevîyeke zor û moraleke bilind ya xebatkarane ve ber bi saleke din ji xebat û berxwedanê ve diçin.

Ji vir ve jî bi ew qasê berpirsariyê ve em radigehînin ku gelê Kurd di Kurdistanê Îranê, û hizb û rêxirawên xebatkar amadeyî û şîyan û derfeta vî yekê di xwe de dibînin, ku di pêvajoya guherînê Îran û navçeyê de, wekî parametereke mezin û bibandor û demokratîk rola xwe bilîzin, û ezmûna siyasî ya Komara Kurdistanê û tevgera nû ya van çar dehekên borî ên Rojhilata Kurdistanê ber bi pêşve bibin.

Silav li riha pak ya Pêşewa Qazî û hemû şehîdên riya azadî û rizgariyê! Silav li armancên komara Kurdistanê! Silav li xelkê xebatkar ê Kurdistanê!

Navenda Hevkariya Hizbên Kurdistanê Îranê
08.01.1397

Nerîna Lîderan



Mihemed bin Selman:

“Hem Îsrailî û hem jî Felestîniyan mafê jiyana aşîxwazane li ser erdên xwe hene”.



Erdoxan:

“Aha belengazan wê Netanyahu bigre”.



Netanyahu di bersiva Erdoxan de:

“Arteşa Îsrailê naxwaze ku dersa ex-laqê ji kesî fêr be ku bi xwe bi salan e sivilan komkuj dike”.



James Mattis di dema pêşwaziya ji John R. Bolton:

“Spas ku tu hatî. Min bihîst ku tu wekî şeytan î. Ez çavnihêrê dîtina te bûm”.

Li Parîsê rewşa Kurdan di panêleke siyasî de hate nirxanidin

Di panêlekê de ku li ser rewşa Kurd, bi hewla Kendal Nezan serokê Enstîtuya Kurd li Parîs pêk hatibû, Îdrîs Ehmedî endamê Navenda Siyasî ya PDKÎ ragehand ku serbarê hemû serkutkariyan di Rojhilata kurdistanê, xebateke medenî heye û pêşmerge jî piştevanê xelkê Kurdistanê ne.

Di vê panêla siyasî de, Îdrîs Ehmedî bi eşker bas ji destêwerdanên rejîma Îranê di nava karûbarên welatên navçeyê û bi taybetî dariştina pîlana dagîrkirina Kerkûkê kir, û ragehand ku li her cihekî ku Kurd bixwaze deskevtekê bi dest bixe, rejîma Îranê berî hemiyan dijayetiyê dike.

Wî herwisa got ku rejîma Îranê radigehîne ku Îsrail û Erebiahan û Amerîka piştigiriya tevgera kurdî dikin, û armanca rejîmê jî vê yekê, ew e ku tevgerên nîştîman lawaz bike, niha aliyên Kurdî dest bi xebateke nû bi navê Rasan kiriye ku ew jî tê wateya berdewamiya xebatê. Ew jî di demekê de ye ku givaş li ser hêzên Kurdî heye.

Komara Îslamî givaşa xwe li ser partiyên siyasî û li ser xelkê zêde kiriye. Rejîma Îranê ku berê du serkirdeyên Kurd bi navên Dr. Qasimlo û Dr. Şerekendî teror kirine niha jî berdewam e li ser van teroran. Niha li Kurdistanê Îranê berxwedaneke sîvîl heye, û rejîm dixwaze ku hêza çekdar bi kar bîne, bo serkutkirina vê xebata medenî, lê hebûna hêza çekdar dibe piştevanek bo vê hêza medenî.

Herwisa di vê panêlê de Osman Baydemir parlamantarê HDP'ê û siyasatvanê naskirî ê Bakûra Kurdistanê ragehand ku êrîşa bo ser Efrînê dagîrkirina xaka Kurdistanê ye, û Erdoxan piştî têkçûna DAÎŞ'ê dixwaze ku li hemû herêmê de deshilat-dariyekê bo wan cehadîst û tundrevên Îslamî ava bike ku ser bi Tirkîyê ne, û hekî civaka cihanî pêşiyê ji wan tundreviyên Erdoxan negre, ew deshilatdariya tundrevan, wê pêk bê.

Wî herwisa ragehand ku Tirkîye li hemû cihekî dijî mafê Kurdan e. Li Başûra Kurdistanê jî me dît ku çawa dijberiya referandomê kir, û piştigiriya dagîrkirina Kerkûkê kir. Wî got hekî Kerkûk neketiba, Efrîn jî nediket. Wî derheq hevpeymanîya AKP'ê ya bi MHP'ê re got: Erdoxan dostatiya MHP'ê kir ku bikare bi piştevaniya wan li ser kursiyê deshilatê bimîne, û şertê MHP'ê jî ew bû, ku li her ciekî Kurd hebin, dibe Erdoxan dijayetiya deskevten wan bike, û her du aliyên li ser vê yekê rêkvevîtin kir.

Serkomarê Tirkîyê berdewam e li ser gefên xwe

Erdoxan serkomarê Tirkîyê ku bi alîkariya çeteyên bi nav Arteşa Azad û bi van hemû teknolojiya xwe ya pêşkevî du heyvan kêşa heya ku karî têkeve Efrînê, niha jî gefa çûna bo nav Şengalê dixwe.

Navbirî roja borî ragehand ku wan dest bi operasyonê li Şengalê kiriye, lê Îraqê ret kir ku hêzên wan ketibin nav Şengalê de. Navenda Hevbeş ya Îraqê bi weşandina daxuyaniyekê belav kir ku rewş di herêmên Mûsil, Şengalê û navçeyên sînorî aram e, û tu hêcetêk nine ku hêzên Tirkîyê têkevin nav sînorên wan de.

Ji aliyekî din ve di demekê de, Tirkîye berdewam e li ser gefan li dijî Şengalê, ku KCK'ê bi weşandina daxuyaniyekê ragehand ku erk û wezîfeya wan ya li Şengalê bi dawî hat, û ewê vegerin cihên xwe yên berê, û ew naxwazin ku şerekî din di Şengalê de rû bide, ku cardin û bi fermaneke din Êzîdî ji warê xwe aware û derbider bin. Herwisa KCK'ê ragehand ku wan di dema êrîşa DAÎŞ'ê bergirî ji Êzîdiyan kir û piştî jî hekî ew ratsî êrîşan bîn, emê bêne Şengalê û bergiriyê ji wan bikin.

Ew hemû êrîş û gefxwarinên berdewam ên serkomarê Tirkîyê herçend nebûne sedema vê ku civaka cihanî pêngaveke bikiryan li dijî Tirkîyê hilgire, lê di asta bîr û raya giştî û bîr û raya civaka cihanî de, ew baweriya çêbûye ku Erdoxan di hîzra berfirehkirina bazineya deshilata xwe, û vegerandina Tirkîyê bo sînorên serdemê xelafeta Osmanî de ye.

Heta di vê derheqê de “John R. Bolton” şêvirmendê ewlehiya neteweyî ya Amerîkayê bi eşkere ragehandiye ku AKP Tirkîyê jî sistema sekolar ve, ber bi sistema xelafetê ve dibe, û dibe pêşiya wan zêderewiyên AKP bêne girtin.

Her derheq gefên Erdoxan bo ser Şengal û Qendîlê, siyasatvanê naskirî ê Bakûra Kurdistanê Osman Ocelan jî ragehand ku bêguman Erdoxan di fikra pêkanîna xelafeta Osmnî de ye, û wê êrîşî ser Qendîlê jî bike, lê Amerîka û hevpeymanên wê bona vê ku, hez nakin şer zû bi dawî bê, wê sistema paratsîna esmanî danên, da ku Tirkîye nekare balafirên şer bi kar bîne, lewra hevsengiya şer heya astekê wê bê parastin, û şer wê gellek dom bike, û ew yek di berjewendiya Amerîkayê û hevalbendên wê de ye.

Li gora gotina navbirî, eva tevlik û davek e ku Amerîkayê bo Tirkîyê daniye, da ku Tirkîyê rastî lawazî û şikestê di şer de bike, û bîr û raya navxw eya Tirkîyê jî, li dijî Erdoxan tûj bike.

Di 10`ê Xakelêweyê de şehîd “Kako” hate bibîranî

Rêvîngên riya pirr ji serwerî ya şehîdan di 71.mîn salvegera şehîdkirina Pêşewa de, şehîd Kako dersxwanê emegdar ê mekteba Pêşewa bi bîr anîn.

Li gora nûçeya ku gihîştiye malpera “Kurdistanmedia”yê endam û alîgirên PDKÎ û rêvîngên rê û şopa şehîdan, wekî emegnasiyekê li hemberî şehîdê serkirde Kawe Cewanmerd serdana tîrba bavê wî li bajarê sine de kirin, û bi danîna wêneyê şehîd Kawe û xemilandina tîrba şehîd Necmedîn Cewanmerd bi camane û alaya Kurdistanê û qevdên gulên, hem emegdariya xwe bi rêbaza şehîdan nîşan dan, û hem jî peyman digel rêbaza pirr serwerî ya wî nû kirin.

Şehîd Davûd Cewanmerd naskirî bi Kawe Cewanmerd kurê şehîd Necmedîn Cewanmerd sala 1380`î a Rojî ji riya hevalên beşa rêkxistina nepenî ya nav bajarê Sine ve pêwendiyek rasterast digel PDKÎ digre, û sala 1388`an a Rojî bi sedema êşkerebûna çalakiyên xwe, xwe gehande refa pêşmergeyên PDKÎ û piştî beşdariya di dewereya 193 a destpêkî a pêşmerge de, di buhara sala 1389`an de, bi awayekî fermî kincê pîroz û pirr ji şanazî ê pêşmergeyê li xwe kir.

Bi sedema kêrhatîbûnê, di kongireya 15`an de wekî endamê Komîteya Navendî hate hilbijartin. Piştî erka berpirsariya TISH TV pê hate spartin û di vî warî de bêrvestiyan kar û xebat kir.

Di sala 1394`an de, berpirsariya teşkilata êşkere ya PDKÎ pê hate spartin, û di vî erk û wezîfeyê de jî bi dil û can xizmet kir. Mixabin roja 15`ê pûşpera 1395`an di gundê Boriyerê de, digel hevçeperê xwe şehîd Serkewt Samedî tevî karwanê sorxelat ê hizb û gel bûn.



Pêşwaziya Makron ji Kurdên Rojava, Tirkiye êşand

Pîştî vî ku Makron serkomarê Fransayê pêşwazî ji heyeteke siyasethanên naskirî û bibandor ên Rojavaya Kurdistanê kir, Tirkiye bi tundî dijkirîyar ji xwe nîşan da, û Fransa wekî durû bi nav kir.

Roja borî Erdoxan derheq biryara Fransayê ya derbarê navbeynkariyê di navbera PYD`ê û Tirkiyê de got: “Gelo serkomarê Fransayê xwe çî dihesibîne ku dibêje emê navbeynkariyê di navberta Tirkiyê û -bi gotina wî- terorîstan de bikin”.

Piştî serkomarê Tirkiyê gef xwarin ku ewê herin Minbic, Girê Spî, Serê Kaniyê, Hesekê û Şengalê. Her di vî derheqê de, Firansa ku di

demên herî hestiyar de piştî gelê Kurd girtiye, dîsan ragehandiye ku ew nahêlin Tirkiye êrîşî ser Minbicê bike.

Heyeta ku serdana koşka Êlîze kiribûn jî, ragehandine ku hevdişîneke pirr baş bû, û Firansa amade ye ku hêzê bişîne Minbicê.

Serbarê vî ku Tirkiye radigehîne ku şerê wan tenê li dijî PKK û aliyên girêdayî PKK ye, lê çavdêrên siyasî radigehînin her çawa ku Tirkiyê gellek caran neveşartîye ku ew li dijî pêkhatina statuyekê Kurdî ne, vî varê jî ew êrîş her di vî çarçoveyê de ne, û ew naxwaze ku statuyekê Kurdî hebe, bi taybetî niha ku gellek nemabû Kurdên Rojava bigihîjin behra Medîteranê.

Herwisa Tirkiye di hizra vegerandina sînorên xwe bo serdema împaratoriya Osmanî de ye. Hêjayî basê ye ku şeva borî di bernameya civak û siyasetha TRT6 de, mîhvanekî Kurd yê vî pirogramê ku şevîrmendê serokwezîrê Tirkiyê ye jî, bi êşkere got ku mafê Tirkiyê ye ku li gora madeya 51 ya yasaya şer, ji Efrînê dernekeve. Herwisa bas jî vî jî kir ku Tirkiye hêdî-hêdî herêmên ku piştî hîloşîna împaratoriya Osmanî ji dest dabûn bi dest dixwe, û tu aliyek nikare pêşîya Tirkiyê bigre.



Çalakiyên teblîxî yên bi boneya 10`ê Xakelêweyê dom hene

Endam û alîgirên PDKÎ bi boneya 10`ê Xakelêweyê roja “Şehîdên Kurdistanê”, bi awayekê berdewam û bi rengên curbicur pêyman digel şehîdên Kurdistanê nû dîkin.

Li gora nûçeya gihîştî malpera “Kurdistanmedia”yê, bi boneya 10`ê Xakelêweyê, endam û alîgirên PDKÎ yên di bajarê “Nexedê” de, li ser bilindahiya “Qozlû” a gundê “Yonisliyan” a wî bajarî de, bi hildana alaya Kurdistanê, bi dirêjahiya 8 metran û panahiya 3 metran ev dever neqîşandin. Piştî hildana wê alaya Kurdistanê, çav û kirêgirtiyên rejîmê, ku çavên wan ba nedigirt, vî alaya hatî neqîşandin a Kurdistanê bibînin, sibêzûyekê zû êrîşî ser çiyayê Qozlûyan kirin, û ev ala kom kirin. Têkoşerên Demokrat di bajarê Kamyanê de jî, alaya Kurdistanê bi boneya 10`ê Xakelêweyê hildan.

Hikûmet sebaba birrîna nanê xelkê ye

Di civîna fermanîdar û berpîrsên ewlehiyê yê rejîmê de, li bajarê Seqizê ya digel bazariyên wî bajarî de, xelkê dijkiyar li hemberî axavtinên berpîrsên rejîmê de ji xwe nîşan dan.

Li gora nûçeya gihîştî malpera “Kurdistanmedia”yê, berpîrsên ewlehî, îdarî û nûnerê dewletê di bajarê Seqzê de, bi çavxaniya çend kesên girêdayî rejîmê civînek ji bo bazariyan û kasbikarên wî bajarî di pasaja “Elmasa Xerb” de lidar xistin.

Di vî civînê de, tevî pîrozbahîkirina sala nû, nûnerên rejîmê hewldan dan ku tawana rewşa nebaş a niha ya jiyânê û derbazkirina xelkê, ji stûyê xwe derbixin, û bixne stûyê neyarên “ferzî” de.

Li gora vî nûçeyê, hevvelatîyên bajarê Seqizê, bi awayekî eşkere ji fermanîdar û şanda dewletê re gotin ku: Em dizanin hûn tu karekî ji bo me encam nadin, û daxistina sînoran bi dirêjkirina enfal û qirkirinekê dizanin ku, di Kerkûk û Efrînê de bi awayekê eşkere dest pê kiriye, û di Rojhilat de jî ew siyaseta bi daxistina riya kasibiyê û qutkirina nanê sivka (sifreya) yek bi yek ji gelê Kurd di vî parçeya Kurdistanê de tê domandin.

Nûçegihanê “Kurdistanmedia”yê, di vî derheqê de radigehîne ku:

Berpîrsên dewletê xerîfî soz û qewlên bê bingehtu bersivê ji bo daxwaz û rexneyên xelkê tunebûn, û bi awayê giştî axavtinên wan ji kesên guhdar re ev yekê diseli- mandin ku tu tiştek baş nabe, belku ya heyî jî wê xirabtir be. Her di vî demê de jî, di Kurdistanê Rojhilat de kirîza aborî bi sebaba daxistina bazarên sînorî gellek zêde bûye, û kasbikar û kesên bazarî, tevî xelkên asayî rastî bêkarî(betalî) û giraniya bazarê hatine.



“Kurdpa”yê amarên derheq rewşa mafê Mirovan ya Kurdistanê Îranê di sala 1396`an de belav kir

Ajansa Nûçegihaniya “Kurdpa”yê, di raporeke amarî de, bas ji rêje û çavaniya bînpêkirina mafê mirovan li Kurdistanê Îranê, di sala 1396`an de kiriye.

Ev rapora li gora amarên ku hatine tomarkirin ji aliyê Navenda Amarê ya Ajansa Nûçegihaniya “Kurdpa”yê ve, hatiye amadekirin, û bi awayê navgînî (rêjeyî) ye.

Navenda amarê ya Ajansa Nûçegihaniya “Kurdpa”yê belav kiriye ku, 3 hezar û 166 caran bînpêkirina mafê mirovan di Kurdistanê Îranê de çê bûne, ku ew yek li çav 5 salên derbazbûyî zêde kiriye, eva di demekê de ye ku ev amaran bibelge ne, û ji çavkaniyên bihêz û bawer pêkirî ve hatine wergirtin.

Li gora vî raporê di sala derbazbûyî de, 2191 mînakên giritin, kuştin û birîndarkirina kolberan di Kurdistanê de me hebûne, herwisa 50 hevvelatîyên sîvîl, girûpên dîlanê, 49 xwendekar, 14 çalakvanên medenî, 3 nivîskar, 3 mamoste, 3 çalakvanên Xwazayê, 3 helbestvan, 5 nûçegihan, 8 çalakvanên torên civakî, 2 mamostayên zanîngehê û komek ji hûnermend û kêmanîyên mesebî ji bo îdareya îtila`atê hatine gazîkirin.

Di sala 1396`an de 81 hevvelatîyên Kurd bi tometên siyasî- ewlehiyê ji aliyê dadgeha Înqîlab a rejîmê ve ji bi hepsên demdirêj û nerewa hatine mehkûmkirin. Navenda Amarê ya Ajansa “Kurdpa”yê, bas ji vî kiriye ku di heyama yek sala derbazbûyî de, di Kurdistanê de mînakên bînpêkirina mafê mirovan di Kurdistanê de zêdeyî vî ye ku bas jê tê kirin, lê mixabin bi sedema nebûna saziyekê taybet û destpêranegihîştina bi çavkaniyan, zanyariyên zêde di ber dest de tunînin. Deqa tewaw a vî amarê di beşa Farsî a Ajansa Nûçegihaniya “Kurdpa”yê de heye, û ji bo mifahwergirtina ji vî amarê bi anîna navê çavkaniyê rê pê tê dan.



Teberzedî: Rejîm tirîbonên cihên muqedes bo derevan bi kar tîne

Hişmetullah Teberzedî ragehand, me Îraniyan di destên girûpeke qewmî de gîr kiriye ku bi derev dibêjin azadî di Îranê de heye.

Hişmetullah Teberzedî sekreterê giştî ê “Cibheya Demokratîk ya Îranê” di bersiva peyama newrozî ya Trump serkomarê Amerîkayê de ragehand, me Îraniyan di destên girûpeke qewmî de gîr kiriye ku bi navê meseb û ji tirîbonên cihên muqedes ve rojane derevan dikan, û dibêjin azadî di Îranê de heye. Navbirî di nameya xwe de nivîsandiye:

Ez jî bîr nakim ku Obama di peyamên xwe yê newrozî de xelk û rayedarên rejîm li rex hev didanîn, ku eva zulmeke eşkere bû derheq xelkê Îranê, rast wekî danîna gur û pez li cem hev. Lewra peyamên pîrozbahiyê ên Obama ji me re dilêş û bikovan bûn, heta ku cihê kêfxweşiyê bin.

Teberzedî di doma nameya xwe de bo Trump dinivîse:

Di dema înzakirina Bercamê de min ji girtûgehê ve name jê re nivîsand, û ew name bi berfirehî di ragehandinên Amerîkayê de deng veda, û min hişdarî dabû Obama ku nabe xelkê Îranê û mafê mirovan bike qurbanîyê berjewendiyên axûndên hakim bi ser Îranê de, lê Obama guh neda vî daxwaza me.

Ez bi xwe zêdetir ji 18 salan e ku bi sedema dijayetiya Xamîneyî û rejîma wî girtî me, lê ez xebata xwe li dijî vî rejîmê didomînim.

Derheq guherîna rejîmê jî navbirî daxwaz kiriye ku ew wekî cihana azad piştgiyariya daxwazên yasayî û demokratîk ên xelkê Îranê bikin, da ku xelk bikare di referando- meke azad û demokratîk de beşdar be. Bêguman %90 a xelkê Îranê wê dengê “NA” bidin vî rejîmê.

Di dawiyê de Teberzedî bo Trump dinivîse:

Xelkê Îranê azad nînin da ku bikarin spasiya we bikin, lê ez we xatircem dikim heta xebatkarên wekî min hebin, hekî di rêşçalên rejîmê de bibin qurbanî jî, emê vî yekê bêjin ku, di pêşerojê de baştirîn dost û hevlabned bona aşî û pêkvejiyanê di herêm û cihanê de, wê xelkê mezin ê Amerîkayê be

Wêneyên Merasima roja Şehîdên Kurdistanê-Navenda 3



Zimanê Kurdî

Qursên Kurdî, A. Karabax

Mînak 520 : Ji bo wan çend bikaranîn :

1. Di awayê rewşîn de :

a. Gulçîn, bi xebatê bi ser ketibû. b. Ew ji dil de dixebitiya.

32. Di awayê şibandinê de:

a. Azad wek te dixwîne. b. Gul jî wanî dixwîne.

3. Di awayê xurtkirî de :

a. Ev zarok gelek xweşik in. b. Wê derman pir xwariye.

4. Di awayê payedar de :

a. Em ji we pirtir beziyan. b. Hun ji me kêmtir beziyan.

5. Di awayê şanîdanê de :

a. Min guhdarî kir ku wî wiha digot. b. Niha jî ez wisa dibêjime.

6. Di awayê daxwaziyê de :

a. Bila hun ê ji me re bişînin. b. Ma wî negotibû û em jî gelek geriyan.

7. Di awayê gumaniyê de :

a. Dibe ku Dîlan bê cem wan. b. Belkî ew îro nikare bê.

8. Di awayê misogeriyê de :

a. Helbet nikare bê, ew nexweş e. b. Bêguman ew ne li wir e, ez dizanim.

9. Di awayê diyarkirî de :

a. Îro ji ber serêşê, Gul neçû dibistanê. b. Saet, çarek kêr nehê ne.

10. Di awayê nediya de :

a. Ew ê rojekê bizivire welatê xwe. b. Şevê ji şevan bû, rêwî dimeşîyan.

11. Di awayê sedemê de :

a. Mem, bo karê xwe sibehê zû hatibû. b. Ew çima dixebitî, qet nedifikirî.

12. Di awayê erêkirinê de :

a. Belê, min dîtina we pejirand. b. Hevalno, hun ser çavan hatine!

13. Di awayê neyîniyê de :

a. Ez ne zû tîm, ne dereng dimê. b. Wan, pirtûk hîn nedane weşandin.

14. Hwd.

Tiştonek



A: Mahir Berwarî

Mihemed Emîn Doskî/Duhok
- Tiştîkê min çar reng e, gelek bi nav û deng e
Li çar parcên welatî, bo wê xebat û ceng e
Kesk û spî sûr li ber, rojeka zer ketî ser
Li hembêza esmanî, yê bilinde her û her
Sûr e nîşana xûn e, kesk e ya xêr û jînê
Spî jî yê aştiyê ye, roj ya hizir û zanînê
Keskusûr e yan tav e, alaye yan gulav e. (* Ala) (36)

- Tiştîkê min û te ye, li ber destê hemiya heye
Di avê da dih`elit, saloxet jê ev e ye
Çi car xo nahebînit, bihay bo xo nabînit
Ji bo mifayê xelkê, herdem xo dih`elînit
Yê giring û erzane, bo paqijya hemya ne
Kesê bikar neînit, ew a`şiqê derda ne

Têdîtin: Amadekar destkariya devoka meteloka nekiriye

Xwendevanên hêja!
Hûn dikarin bersiva
tiştonekan bi riya E-Maila
Agiri2003@gmail.com ji
me re bişînin



Agirî

- ◆ Rojnameya “Agirî” di van malperên jêrên de bixwînin:
- ◆ www.Kurdistanmedia.com
- ◆ www.Agirimedia.org
- ◆ rojnamaagiri@gmail.com
- ◆ www.facebook.com/Agirikirmanji

Navnîşana derveyî welat: AFKB.P. 102- 75623 ParisCEDEX 13 –FRANCE

E - Mail: Agiri2003@gmail.com

Hejmar (323)

Wêneyên merasima roja Şehîdên Kurdistanê-Koye

